



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 253, Datë 03.09.2026

MBI

NJË NDRYSHIM NË VENDIMIN E BORDIT TË ERE-S NR. 68, DATË 08.04.2025 “MBI LICENCIMIN E SHOQËRISË “RENEW” SH.P.K., NË VEPRIMTARINË E PRODHIMIT TË ENERGJISË ELEKTRIKE NGA CENTRALI FOTOVOLTAIK ME KAPACITET TË INSTALUAR 2 MW”, I NDRYSHUAR

Në mbështetje të nenit 16 dhe 136, pika 2, të ligjit nr. 59/2026 “Për sektorin e energjisë elektrike”; nenit 113 të ligjit nr. 44/2015 “Kodi i Procedurave Administrative të Republikës së Shqipërisë”; si dhe nenit 15 të Rregullores për organizimin, funksionimin dhe procedurat e ERE-s, miratuar me vendimin e bordit të Entit Rregullator të Energjisë (ERE) nr. 96, datë 17.06.2016; Bordi i ERE-s, në mbledhjen e tij të datës 03.09.2026, mbasi shqyrtoi relacionin me nr. 817/7 prot., datë 01.09.2026, të për gatitur nga Drejtoria e Licencimit, Autorizimeve dhe Garancisë së Origjinës “Mbi disa ndryshime në vendimin e bordit të ERE-s nr. 68, datë 08.04.2025 “Mbi licencimin e shoqërisë “RENEW” sh.p.k. në veprimtarinë e prodhimit të energjisë elektrike nga centrali fotovoltai me kapacitet të instaluar 2 MW”, i ndryshuar”,

Konstatohet se:

1. Të dhëna mbi shoqërinë “RENEW” sh.p.k.

- Bordi i ERE-s, me vendimin nr. 68, datë 08.04.2025, i ndryshuar me vendimin 162, datë 05.06.2026, ka vendosur të licencojë shoqërinë “RENEW” sh.p.k. në veprimtarinë e prodhimit të energjisë elektrike nga centrali fotovoltai, me kapacitet prodhues 2 MW, me vendndodhje në Zonën Kadastrale nr. 3358, Njësia Administrative Topojë, Bashkia Fier, Qarku Fier, për një afat 30-vjeçar.
- Në pikën 4 të këtij vendimi përcaktohet se “Brenda datës 16.08.2026, shoqëria duhet të depozitojë në ERE informacion të përditësuar mbi stafin teknik”. Ndërsa në pikën 5 përcaktohet se ky vendim është objekt rishikimi në rast të plotësimit/mosplotësimit të kushteve në pikën 4.

2. Korrespondenca dhe dokumentacioni i depozituar nga shoqëria

- Në kuadër të zbatimit të kushteve të vendimit të sipërcituar, me shkresën e protokolluar në ERE me nr. 817/6, datë 05.08.2026, shoqëria ka përcjellë “Marrëveshjen e Përfundimit të Kontratës së Shërbimit me shoqërinë “Construction Energy Parts” sh.p.k.”, mbi përfundimin e ofrimit të shërbimit me datë 31.07.2026 dhe “Kontratën e Shërbimit të Operimit dhe Mirëmbajtjes me shoqërinë “Kirac Green Energy” sh.p.k.”, datë 01.08.2026, me afat 2 (dy) vjeçar, së bashku dokumentacionin e kualifikimit Teknik të personelit të angazhuar për ofrimin e shërbimit nga shoqëria “Kirac Green Energy” sh.p.k..
- Duke marrë në konsideratë përmbushjen e kushtit të përcaktuar në pikën 4 të vendimit të bordit të ERE-s nr. 162/2026, shoqëria kërkon që ERE të reflektojë përmbushjen e tij dhe të procedohet me shfuqizimin në përputhje me Kodin e Procedurave Administrative.

3. Analiza ligjore dhe vlerësimi

- Nga shqyrtimi i dokumentacionit të depozituar rezulton se shoqëria ka përmbushur brenda afatit detyrimin e përcaktuar në pikën 4 të vendimit nr. 68, datë 08.04.2025, të ndryshuar, duke paraqitur informacionin/dokumentacionin e përditësuar mbi stafin teknik të angazhuar për operimin dhe mirëmbajtjen e centralit fotovoltaiik.
- Sa i përket kërkesës së shoqërisë për shfuqizimin e detyrimit të përcaktuar në pikën 4 të vendimit, vlerësohet se, ndonëse detyrimi për depozitimin e informacionit brenda datës 16.08.2026 është përmbushur, sigurimi i kapaciteteve të nevojshme teknike përbën një kërkesë që duhet të përmbushet përgjatë gjithë kohës se ushtrimit të veprimtarisë së licencuar dhe kontrata e shërbimit e paraqitur nga shoqëria ka afat deri më 01.08.2028, vlerësohet që në përfundim të këtij afati shoqëria të depozitojë pranë ERE-s informacion të përditësuar mbi stafin teknik të angazhuar për ushtrimin e veprimtarisë së licencuar.
- Ndryshimi i pikës 4 të vendimit të bordit të ERE-s nr. 68, datë 08.04.2025, të ndryshuar, nuk çënon zbatimin e pikës 5 të këtij vendimi, e cila mbetet në fuqi dhe do të zbatohet në lidhje me detyrimin e përcaktuar në pikën 4, sipas përmbajtjes dhe afatit të ri të përcaktuar me këtë vendim.

4. Nevoja për ndryshimin e vendimit

- Në nenin 113 të ligjit nr. 44/2015 *“Kodi i Procedurave Administrative i Republikës së Shqipërisë”*, parashikohet se një akt administrativ mund të ndryshohet, shfuqizohet apo anulohet, kryesisht nga organi publik që ka kompetencë për ta nxjerrë atë.

Për gjithë sa më sipër, bordi i ERE-s,

Vendosi:

1. Miratimin e një ndryshimi në vendimin e bordit të ERE-s nr. 68, datë 08.04.2025, i ndryshuar, si vijon:
 - a) Pika 4 ndryshon dhe bëhet:
 4. Brenda datës 01.08.2028, shoqëria *“RENEW” sh.p.k. të depozitojë pranë ERE-s informacion të përditësuar mbi stafin teknik të angazhuar për ushtrimin e veprimtarisë së licencuar.*”.
2. Drejtoria e Licencimit, Autorizimeve dhe Garancisë së Origjinës, të njoftojë shoqërinë *“RENEW” sh.p.k.*, Ministrinë e Infrastrukturës dhe Energjisë (MIE), shoqërinë *“Operatori i Sistemit të Shpërndarjes” (OSSH) sh.a.*, shoqërinë *“Furnizuesi i Tregut të Lirë” (FTL) sh.a.* dhe shoqërinë *“Bursa Shqiptare e Energjisë Elektrike” (ALPEX) sh.a.* për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t'i kërkojë ERE-s, brenda 7 ditëve kalendarike nga data e marrjes dijeni të vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 45 ditëve kalendarike nga dita e publikimit në Fletoren Zyrtare. Paraqitja e ankimit nuk pezullon vlefshmërinë e vendimit, përveçse kur gjykata vendos ndryshe në përputhje me legjislacionin në fuqi.

Ky vendim botohet në Fletoren Zyrtare.

KRYETARI
Petrit AHMETI